

#### IV võrokeelitside koorilaulõ ja -säädüngide konkursi statuut

Uma Pido toimkund kuulutas vällä vahtsidõ võrokeelitside koorilaulõ ja -säädüngide konkursi. Konkursi kõrraldadas tsihiga Uma Pido lauluvarra kirivämbäs tetä. Oodõtas nii säändsit laulõ, miä passisõ häste laulupidolõ, ku ka laulõ, miä sünnüse parõmbalõ kontsõrdisaali vai mõnda tõistõ paika. Võistlusõlõ või saata nii joba olõmanolõvidõ laulõ jaos tettüid koorisäädüngit ku ka peris vahtsit koorilaulõ. Mõlõmbit nimmatas edespiten sõnaga „teossõ“.

Oodõdu omma teossõ kõiki kooriliike jaos: ühendkuur, segäkuur, naisikuur, miihikuur (hääl arv kõigil 3–4), latsikuur (hääl arv 2–3), poistõkuur, mudilaisikuur (hääl arv mõlõmbal 1–2). Vällä või kävvü *a cappella*, saatõga vai ka saatõideega (määndse pilli vms) laulõ.

Võistlustüü piät olõma võrokiilse. Oodõdu omma nii traditsioonilidsõ koorilaulu ku ka lustlilidsõlt krutskilidsõ ja mängolidsõ teossõ. Kõrraldaja ei säe piire ei teema ega žanri kotsilõ. Ku teossõ luumisõl võetas põhjas rahvalaulutekste ja -viise, siis om tähtsä, et neo olõs peri ütest Vana-Võromaa katsast kihlkunnast (Karula, Hargla, Kanepi, Urvastõ, Vahtsõliina, Rõugõ, Põlva ja Räpinä). Oodõdu ei olõ tõisist keelist tõlgidu teossõ. Nõvvu ja soovituusi saa konkursi käügin küssü projektividäjä Tigasõ Merikese käest Võro instituudist (merike.tigas@wi.ee, tel 5691 6280).

Võistlusõlõ saadõdu teossõ ei tohi olla varramba trükün ilmunu vai avalikkusõ iin ette kantu. Trükün või olla ilmunu vai avalikkusõlõ teedä kül tekst, millele muusiga luvvas, vai laul, millele tetäs konkursi jaos vahtsõnõ säädüng. Varramba avaldadu lauluteksti vai muusiga luuja nimi pallõldas võistlustüü mano märki.

Teossõ tulõ võistlusõlõ saata märgosõna all. Tüüle või sama märgosõna all eräle lehel vai failin mano panda teedüse ja selgitüse teosõ kotsilõ, nt teosõ sünnüluu, uma soovi, miä pututasõ esitüst ja saadõt vms. Andmõ viiemeistre ja teksti luuja kotsilõ (nimi, eräskuud, (e)-postiaadrõss, telefon) tulõ tüü mano panda sama märgosõna all eräle lehel vai failin. Kõrraldaja kinnütäs, et kellelegi, säälhulgan žüriile, ei anda konkursitõie luujidõ kotsilõ teedüst inne, ku preemiä omma är määrädü. Võistlustüü tulõ saata e-posti aadrõssi merike.tigas@wi.ee pääle vai Võro Seltsi VKKF aadrõssi pääle (Tartu tn 48, 65609 Võru). Teossidõ saatmisõ tähtaig om 1. august 2021. Postiga tulnu tõiel piät olõma ildamba 1. augusti 2021 postitempli.

Teossit hindas kooni viieliikmõlinõ žürii. Parõmbidõ tõie luuja saava tenoraha, miä andas kätte konkursi avvuhinnapidol 2021. aasta novvembrin. Kui avvuhind andas teosõ iist, mille teksti ei olõ varramba trükün avaldõdu ja/vai mis om tettü õkva konkursi jaos, siis saava tenoraha ka teksti luuja. Kui konkursilõ tulnu tüü omma nõrga vai ei sobi mõnõl tõsõl põhjusõl võrokiilse lauluvara tävvendüses, sis om žüriil õigus jättä preemiä välja andmalda vai sis tetä kitmisraha jagamisõ põhimõttit täpsembäs.

Kõigi preemijide suurusõ otsustas žürii. Konkursi avvuhinnafond om 3000 eurot.

#### **Lisateedüs:**

Võro Selts VKKF, Tartu tn 48, 65609 Võru  
projektividäjä Tigasõ Merike  
tel 5691 6280, e-post merike.tigas@wi.ee